



بیز کناریمیزدا قالان انسانلاری و بیزدن حمایت ائلهماق حسینی وئرن ایشلر گۆرن انسانلاری سئوریک.

سيز سئويملى سيز يوخسا يوخ؟ حتماً سيز ده ائله انسانلار تانیرسیز کی اطرافداکیلارین نظرنی اؤزلیرینه طرف چکرلر ! کاریزمالاری اؤلچولمهین انسانلار اما هامی نین اونلارینان راحت اولاییلن انسانلار.

اونلار بو ایشی نجه گؤرورلر؟ الله وئرگیسی دیر یوخسا تمرین و مطالعه اینن بو یئره چاتیبلار؟ اولاییلر ایکنجیسی دوز اولسون. اونلارین کلامی رابطهسی مناسب اولور. آشاغیداکی 17 عادت سیز ده رعایت ائلیه بیلر اولاییلر کی سیز ده اوجو سئويملى اولاسیز:

1. ادبلی اولاییلر جاقلاری یئره ادبلی دبلر.

هر یئره «لطفاً» «ساغ اولون» کیمی کلمهلرین استفاده ائلهماق واجب اولمایا بیلر اما کاریزماتیک اوماق ایسته سز اونلاردان استفاده ائلهماق سیزه فایدا وئره بیلر.

2. کیچیک محبتلرین قدرینی بیلرلر.

بیری نین سیزدن تشکر ائلهدیگی زمان «خواهش ائلیرم» سؤزونون تأثیر، «قابلی یوخدو» و یا «اولسون» کیمی سؤزلردن چوخ داها آرتیق دیر. سئويملى انسانلار تشکر ائشیتماقدان سئوینرلر و سؤزونون اونا جواب وئرلر.

3. تعریفلری دوغرو داندیر.

کاریزماتیک انسانلارین تعریفی دوغرو داندیر. یالتاقلیق ائلهمزله و یالان یئره ده تعریفلرملر. بیری تعریفه لایق اولسا دئماقدان چکینمزله.

4. اورکدن غم شریکی اولارلار.

اونلار «حتماً چوخ افتخار ائله دین» و یا «تصور ائلیه بیلیرم نجه حرصلندین» کینی سؤزلردن استفاده ائلرلر. بئله لیغینا هم اونلارین حسیاتی اینن همراهلیق ائلرلر و هم اونلارا ارزش وئرلر. (بیلمه لیسیز کی انسانلار هر شئیدن چوخ درک اولماغی سئورلر.)

5. فایدالی اطلاعاتی آیریلارینان پایلاشارلار.

بعضیلر اطلاعاتی فقط اؤزلری اوچون ایستیرلر آخی بئله بیلیرلر کی فقط اونلارین بیلدیگی اطلاعات اونلاری گوجلندیرر. بو جور اولمایین. البته سئويملى انسانلار شایعه اینن اطلاعاتین فرقی آنلارلار.

6. آیریلارینا کۆمک ائله ماغا داوطلب اولارلار.

چوخوموزون جامعه یه کۆمک ائله ماغی گۆلوموز ایستر، اما هاردان باشلادیغیمیزی بیلیمیریک. کاریزماتیک انسانلار زندگانلیقلارینین هر آیندا فقط دؤره برلرینه باخارلار وب یئرلری چوخ راحت تاپیرلار. (کۆمکلیق سیزین دالیزجان گلنه قاپینی آچیق ساخلاماق حدینده بالاجا ایش اولاییلر.)

7. بیر تیمین عضوی اولدوقلاری یادلاریندان چیخماز.

دوستلوق حسینی چتین موقعیتلری دؤزولمه لی ائلیه بیلر. میرت اولماق بو موقعیتلری لذتلی ده ائلیه بیلر. چوخ کاریزماتیک انسانلار چتین شرایطه بئله سؤزلر دئیرلر: «عیبی یوخ، بو وضعیت هامیمیزا وار» سونرا او بیریلرین کناریندا تیمین هدفینه چاتماغا چالیشارلار.

8. احتراملی آدلار و عنوانلاردان استفاده ائلرلر.

کاریزماتیک انسانلار او بیرلرین آدلارینین یادلاریندا ساخارلار و اونلاری خوشلاری گلدیگی زمان عنوانلارینان استفاده ائله ماغینان اونلاری سئویندیرلر. «سرهنگ» و «دکتر» کیمی عنوانلاری قازانماق و اخت آپارا بیلر اما اونلاردان استفاده ائله ماغی خرجی یوخدور.

9. واقعی اعتماد به نفس اینن دانیشارلار.

گوپلامازلار- اما چتین موقعیتلرده _مخصوصاً آیریلارین زندگانلیغیندا تأثیرلی اولان زادلاردا- آرامش، مارق و اعتماد به نفس اینن مسأله‌یه یاخینلاشارلار. اولاردا بو سؤزلری ائشیتماق اولار: «یاخجی، باخاق گؤراق بو مسأله‌نی نئجه حل ائلیه بیلروق».

10. آیریلارین بیر-بیرینه تانیتدیرارلار.

ایکی نفره عینی آندا خوشلاری گله بیلن سؤزون نه اولدوغونو بیلیرسیز؟ «اجازه وئرن ...-ی سیزه تانیتدیریم.» البته بو گونلر هامیمیز رابطه آچماق فکرینده یوق. اما کاریزماتیک انسانلار اؤزلری ارتباطی شبکه قورماقدان علاوه آیریلارینا دا بو ایشده کؤمک اولارلار.

11. آیریلارین اؤزلری اوچون تصمیم توتماغا اجازه وئرلر.

کاریزماتیک انسانلار اؤز نظرلرینه ایمانلاری وار اما آیریلارینا دا فرقلی نظر صاحبی اولماغا اجازه وئرلر و اولار بو اجازه‌نی وئرلر کی اؤز مسیئرلرین اؤزلری سئچسینلر. اوندان علاوه کاریزماتیک انسانلار اؤزگه‌یه اختیار وئرماقدان و سونرا اولار اعتماد ائله‌ماقدان قورخولاری اولماز.

12. آیریلارینا اینادیقلا رینی دیله گتیرلر.

فقط ایکی کلمه: «سنه اینانیرام» بو ساده کلمه‌لر موفقیته آپارا بیلر. هامی‌نین تصدیق اولماغا احتیاجی وار. عینی حالدا بو تصدیق دئین شخصی‌ده محبوب ائلر.

13. نوبه‌لرینی اونوتمازلار.

سئومه‌لی ایشلر و یا یوروجو ایشلر اولسون، سئویملی انسانلارین نوبه‌سی چاتاندا قورخمازلار و قاپاغا گئدرلر. آیری عبارت اینن اولار آیریلارینی تعریفله‌یرلر و یا باغیشلا یاندیلار اما مثلاً ناهار پولو وئرماق اولارین نوبه‌سی اولسا بو ایشدن قاچمازلار.

14. داها چوخ بیلماق اوچون قولاق آسارلار.

سئویملی انسانلار فعال و صادق قولاق آساندیلا. اولارینا نظرلریز و خاطرهلر باره‌ده دانیشا بیلیرسیز و اولار سؤال سوروشماغینان سیزین سؤزلریزه قولاق آسدیقلارینی و مطلبه علاقه‌لی اولدوقلا رینی گؤرسه‌ده بیلرلر. هامی‌نین واختی ارزشلیدیر اما اولار واختلارینی سیزین اختیاریندا قویماقدان چکینمزلر.

15. مسئولیت قبول ائلرلر.

بو انسانلار ایشلرین و اشتباهلاری‌نین مسئولیتین قبول ائلرلر و نظارتلرینده اولاجاق ایشلرین کنترلونو اللرینه آلارلار. بونا گؤره دئمک اولار کی قابل اعتماد انسانلار چوخ سئویملی اولارلار.

16. حمایتلرینی دیله گتیرلر.

بیز کناریمیزدا قالان انسانلاری و بیزدن حمایت ائله‌ماق حسینی وئرن ایشلر گؤرن انسانلاری سنوریک. بیرینی یادا سالین کی لازم اولان زمان سیزدن حمایت ائله‌یب. ایندی فکرلشین اوندا او شخص سیزین اوچون نه قدر سئویملی ایدی.

17. همیشه سوروشارلار: «نییه اولماسین؟»

سئویملی انسانلار اکثراً مثبت باخان و عمل ائله‌ین انسانلاریدیلا. کاریزماتیک انسانلارین سؤزو بودور: «بعضیلرین عادتی وار هر شئی اولدوغو کیمی گؤرسونلر و سوروشسونلار: نییه؟ اما من ایندی‌جه اولمایان زادلارین فکرین ائلم و سوروشارام: نییه اولماسین؟»